

## Yucatec - Qui'imaccuntic Quili'ich Dzíibo' - Comfort Scriptures

2 Corintios 1:2-4 Kame'ex u siibal utzil yéetel u jéedzel óolal Ku c Taata yéetel Yuumtzil Jesucristo. 3 Co'ox qui'iqui' t'antic Ku u Taata c Yuumtzil Jesucristo, le Taata cu ch'a'ic to'oon óotzililo' yéetel le Ku cu qui'imaccuntic c óol mantadzo'. 4 Kue' cu qui'imaccuntic c óol ti' tuláacal c mukyajo'ob, u ti'al ca páatac c qui'imaccuntic u yóol le máaxo'ob cu mukyajo'obo', iquil c dzáic ti'ob le qui'imac óolal u dzaamaj to'on Kuo'.

Proverbios 15:13 Pucsi'ikal qui'imac u yóole', ma' muculbe'en tu yich yuumili'; pucsi'ikal koja'ane', chíicbe'en tu yich.

1 Reyes 8:66 Tu láak kiine' tu ya'alaj ti' le caajo' ca suunaco'ob tu yotocho'ob, leti'obe' tu qui' t'antajo'ob ajawe', ca j suunajo'ob tu yotocho'ob qui'imac u yóolo'ob tu yo'olal tuláacal le utz tu beetaj Yuumtzil ca'ach ti' David, u palitzil yéetel ti' u caajil Israel.

1 Crónicas 16:10 Ca'analchajac a wiche'ex tu yo'olal u kaaba'. ¡Qui'imacchajac u yóol u pucsi'ikalo'ob máaxo'ob caxtic Yuumtzil!

Proverbios 12:25 Le yaayaj óolo' cu t'ona'ancuntic wíinic; le utzil t'aano' cu qui'imacuntic u yóol.

Proverbios 13:12 Alab óolal ma' tu béeytale' pucsi'ikal cu yaj óolal, ba'ale' dzíibolaj cu béeytale' bey jun cúul u che'il cuxtale'.

Isaías 30:26 Yuumtzile' bíin u dzac yéetel bíin u to'o' u yajil u wíinclilo'ob u caajal. Le uj túuno' bíin juulnac je'el bix u juul kiine', u juul le kiino' bíin p'áatac siete u téenel asab sáasilil, je'el bix u juul siete kiino'ob jun páaquili'e'.

Oseas 13:8 Bin in ca'aj in nactáanto'ob bey jun túul x osa u satmaj u mejnilo'obe', u ti'al in xe'exet'ic u pucsi'ikalo'ob. Bey jun túul león, te'elo' ti' bíin in luko'obi'; bey jun túul j chi'ibale', bíin in tzl'itzico'ob.

1 Samuel 1:8,10 Cu ya'ala'al ca'ach túun ti' tumen Elcana u yícham: ¿X Ana ba'axten ca wokol? ¿Ba'axten luba'an a wóol, mix xan ta janal? ¿Ma' wa asab utzil a ti'alintmailen ti' diez a paalo'obi'? 10 X Ana ca'aliquil táan u yokol yéetel yaayaj óole', jo'op' u payalchi' ti' Yuumtzil

Salmos 25:16,17 Yuumtzil, pacteni' ch'a'a xan óotzilil ti' teen, tumen chéen tin juun yanilen, yaan teen yaj óolal. 17 In pucsi'ikale' cu bin u yantal yaj óolal ti'; toquen ti' in mukyajo'ob.

Salmos 34:18 Yuumtzile' naadz yaan u ti'al u toc le máaxo'ob kiilil u pucsi'ikalo'obo', le máaxo'ob mina'an u alab óolalo'obo'.

Salmos 38:8 Takan yaj in wu'uyic in wíinclil táan in wu'uyic jach mina'an in muuk; jin wáacamo'obe' u yáacamo'ob in pucsi'ikal!

Salmos 55:4 In pucsi'ikale' táan u titi'ip'aanquil tin tzeem; tin wóokol yaan u sajaquilil quíimil.

Salmos 61:2,3 Líikbal tu xuul u naklil le lu'ama', ti' teech quin káat óolal, tumen

in pucsi'ikale', táan u lúubul u yóol. Dzáen ti' tocsajil tu yóokol jun p'éel nojoch ca'anal tuunich, 3 tumen teeche in ta'acbesajil; ¡beyech jun p'éel mu'uka'an tuulume', cu toquiquen ti' in aj p'eec!

Salmos 62:8 ¡In caajal, dzáa a wóol mantadz ti' leti'! ¡T'ane'ex yéetel tuláacal ocsaj óolal! ¡Kue', ti' leti' balico'on!

Salmos 73:26 Tuláacal in wíinclil táan u xu'upul, ba'ale' Kue' leti' in ayikalil mina'an u xuul; leti' u muuk in pucsi'ikal.

Salmos 77:2,3 Tu kiinil okol óolene' quin caxtic Yuumtzil, mantadz xan quin líikesic in kabo'ob ichil in payalchi' yéetel áakab. Ma' tu yantal jéedzel óolal ti' in pixan. 3 Cu ka'ajal teen Yuum Kue, quin wokol; quin dzáiquimbáa tuucule', cu lúubul in wóol.

Salmos 86:11 Yuumtzil, e'es teen a beel, u ti'al ca in tzaypachtech yéetel chuca'an óolal. beet ca u tzic a kaaba' in pucsi'ikal.

Salmos 109:22 Jach óotzilen yéetel yaj in wóol; in pucsi'ikale' ucha'an loob ti'.

Salmos 112:7,8 Ma' sajac ti' u tzicbalil ba'ax kaas cu yúuchuli'; u pucsi'ikale' jejedzquil yanil, u kubmaj u yóol ti' Yuumtzil. 8 U pucsi'ikale' jejedzquil yanil; mina'an sajaquil ti'; yéetel páajtalil cu che'ej pactic u aj p'eeco'ob.

Salmos 143:4 Quin wu'uyic jach u naat'al in tzeem, péecnaja'an yanil u yóol in pucsi'ikal.

Salmos (146/147)147:3 Leti' dzaquic máaxo'ob kila'an u pucsi'ikalo'ob cu to'ic xan u yajilo'ob.

Proverbios 14:30 Le jéedzel tuuculo' cuxtal u ti'al le wíinclilo', ba'ale' le saawinaj óolalo' cu laabcuntic tac le baaquelo'obo'.

Eclesiastés 1:13 ca tin jach kubajimbáa in xakalt caxant yéetel in canic u nu'uctajil tuláacal ba'ax cu yúuchul way yóokolcaabe'. ¡sen nojoch meyaj tu p'ataj Ku ti' wíinico'ob u ti'al u paj u subtal yéetelo'ob!

Eclesiastés 2:10 Ma' tin su'ukintaj mix jun p'éel dzíibolaji'; mix xan tin su'ukintaj mix jun p'éel náaysaj óolali'. Tuláacal in meyajo'ob tu beetajo'ob utz ti' teen, leti' le utzo' in bo'olal.

Eclesiastés 2:22,23 Tu jaajile', ¿ba'ax cu náajaltic wíinic iquil u sen meyaj yéetel u sen ch'iquicubáa tuucul way yóokolcaabe'? 23Tuláacal u cuxtale' mukyajo'ob, jun p'éel yaayaj cuuch; mix yéetel áakab cu je'elel u tuucul. ¡Le xana' chéen waya'as!

Eclesiastés 11:10 Náachcunt ti' teeche tuuculo'ob cu bisico'ob a wenel, jóokes xan ti' teeche yaj óolal, tumen tac u asab ma'alobil u kiinilo'ob táanquelemile' chéen waya'as.

Isaías 30:29 Ba'ale' a ti'ale'exe', bíin yanac kaayo'ob je'el bix tu áakabilo'ob quili'ich kiinbesaje'; bíin qui'imacchajac a wóole'ex je'el bix máaxo'ob cu xímbalo'ob yéetel u paaxil flauta u ti'al u bino'on tu pu'uc Yuumtzilo', tu ta'acbejsajil Israel.

Isaías 57:15 Tumen Aj sen ca'anal, máax cuxa'an mantadze', cu kaaba'intic quili'iche', cu ya'alic: Tene' ti' cajnáalen ti' jun p'éel quili'ich ca'anal cùuchile',

ba'ale' ti' xan yanen tu yicnal óotzil cu mukyaje', u ti'al ca in dzáa u yóol yéetel ca in beet u ch'a'ic u yiik.

Isaías 65:14 leti'obe' bín kaaynaco'ob yéetel u qui'imac óolalil u pucsi'ikalo'ob, ba'ale' te'exe', bín awat okolnaque'ex yéetel u okom óolalil a yaj óole'ex.

Isaías 66:13,14 Je'el bix u qui'imaccunta'al u yóol jun túul paal tumen u maamae', bey bín in qui'imaccunt a wóole'exo', bín xan a nuptáante'ex u qui'imac óolal Jerusalén 14 Le quéen a wile'ex le ba'ala', bín qui'imachajac u yóol a pucsi'ikale'ex; bín ca'a mu'uka'anchajac a wiinclile'ex je'el bix u ya'axtal xíiwe'. Yuumtzile' bín u dzáa kaj óoltbil u páajtalil ichil u palitzilo'ob, bey xan u ye'es u p'uja'anil ichil u aj p'eeco'ob.

Jeremías 15:16 Le ca'ach quéen a t'anene', tene' quin láaj dzo'ocbesic a t'aan; leti'obe' ca'ach u qui' óolal yéetel qui'imac óolal in pucsi'ikal, tumen tene' a ti'alen, Yuumtzil, Ku u yuumil tuláacal páajtal.

Jeremías 24:7 Bín in dzáa u na'ato'ob u ti'al ca u kaj óolto'ob chéen teen Yuumtzil, leti'obe' in caajal, teen xane' u Kuob, tumen bín suunaco'ob ti' teen tu jaajil u yóol u pucsi'ikalo'ob.

Juan 14:1 Ma' u jach sa'atal a wóole'ex. A wocsmaj a wóole'ex ti' Kue' ocs a wóole'ex xan ti' teen.

Juan 14:27 Táan in bin, p'aatene'ex ich jéedzel. In jéedzel quin dzáic ti' te'ex. Ba'ale' ma' táan in dzáic je'el bix cu dzáic jéedzel le máaxo'ob yóokolcaabilo'. Ma' u sa'atal a wóole'ex mix a sajactale'ex.

Juan 16:6 chéen dzo'oc u okomtal a wóole'ex tumen tin wa'alaj ti' te'ex le ba'alo'oba'.

Juan 16:22 Bey xan te'ex táan a mukyaje'ex beora', ba'ale' yaan in suut in wile'ex; le quéen suunaquene' yaan u chu'upul a pucsi'ikale'ex yéetel qui'imac óolal, jun p'éel qui'imac óolal mix máac cun páajtal u lukesic te'ex.

Hechos 2:46 Sáamsamal cu múuch'taalo'ob kulnaj yéetel jun p'éelili' tuucul; te j najo'obo' cu xet'ico'ob waaj cu múuch' jantico'ob xan u janalo'ob ich qui'imac óolal yéetel cabal óolal.

Romanos 9:2 Jach okom in wól yéetel mantadz yaan yaayaj óolal tin pucsi'ikal.

2 Corintios 2:4 Tumen le ca tin dzíibtaj le ju'un tin túuxtaj te'exo', tin dzíibtaj yéetel u ja'il in wich, tumen tin wu'uyjinbáa jach okom yéetel jach yaj in wól; ba'ale' ma' tin dzíibtaj u ti'al in dzáic te'ex yaayaj óolalo', ba'ale' u ti'al ca a wojéelte'exe' in yaacunaj ti' te'exe' jach nojoch.

Efesios 5:19 t'aanene'ex ta baatzile'ex yéetel salmo'ob, himno'ob yéetel quili'ich kaayo'ob, kaaynene'ex yéetel qui'iqui' t'ante'ex Yuumtzil yéetel tuláacal a pucsi'ikale'ex.